

梅光迪 · 段錫朋 · 熊育錫

周 邦 道

—當代教育先進傳之四—

梅光迪 (1890—1945)

梅光迪，字迪生，一字覲莊，清光緒十六年（一八九〇）庚寅正月初二日生，安徽宣城人。曆算名家梅文鼎、定九，其遠祖也。十二歲，應童子試，十八歲，肄業安徽高等學堂。宣統三年



梅光迪教授遺照。

，考取清華官費，赴美初入西北大學，繼轉哈佛大學研究院。與涇縣吳宓兩僧、同受業於人文主義（Humanism）之倡導者白璧德（Irving Babbitt）穆爾（Paul E. More）之門。二氏之學，綜合西方聖哲，及東方儒釋之學說而成，以期融合東西文化而躋世界於大同。「五四」運動之際，一般舊新時彥，拾取西洋近世論政論文偏曲之見，暴戾孔孟以來諸儒闡明講說之理，謂不足存；唾棄駢散典雅之文，有韻之詩，謂不足學；專以儻野流行之語，號召後進，舉國風靡。光迪乃憤悱鬱勃，挺而辯難，謂文學可以改進，文言斷不可廢；理充氣壯，主張穩健，聞者欽服。

民國九年歸國，任南開大學英文系主任。十年，任東南大學西洋文學系主任，介聘吳宓歸任教授。因與宓及劉伯明、柳詒徵、胡先驌等創設「學衡」雜誌，昌言砥排所謂新文化運動，以發揚中國文化為己任。嘗言：真正學者，為一國學術文化之前驅，除具特異之天才外，並須有嚴密

之訓練，與夫高潔之精神，方能名符其實。其批評提倡新文化運動者，則謂：彼等非思想家，乃詭辯家；非創造家，乃模倣家；非學問家，乃功名之士；非教育家，乃政客之流。光迪學貫中西，善於屬文，揮斥跌宕，罵譏笑詞，無不各極其趣；故一篇甫出，傳誦遐邇。當時鉞鋒相對，旗鼓相當，足與「新潮」等雜誌抗衡角力者，唯「學衡」而已。吳宓勤於纂述，遂譯名著，信達雅出林畏廬上。與光迪俱年少俊艾，意氣岸然，迫應筆戰，摧枯陷堅，鮮有不辟易而遁者也。

十三年，再度赴美，任教哈佛大學。十六年，任國立中央大學代理文學院長，旋又往哈佛，為漢文副教授。二十五年，國立浙江大學校長竺可楨聘為文理學院副院長，兼外國文學系主任。二十七年，選任為國民參政會參政員。二十八年，浙大文學院獨立，任院長。蘆溝變起，隨浙大徙黔北遷義。抗戰勝利，方期從容以就故業，不意三十四年十二月二十七日，竟以心臟病客死貴

陽，年五十有六。中英文撰著，多已散失。歿後，浙大友好多方徵集，僅得十餘篇，輯為「梅光迪文錄」。此幾錢小冊，中華叢書委員會，在臺重為景印。生平春容開曠，幽默雋永。超邁而不放，謹嚴而不拘，狷介而不隘，則於文章之美外，又見其學養之醇矣。

(本郭斌蘇：梅迪生先生傳，王煥鑣：梅迪生先生文錄序，及「文錄」各篇。)

段錫朋 (1896—1948)

段錫朋，字書貽，江西永新人。清光緒二十二年（一八九六）丙申正月初九日生。幼讀私塾，繼由吉安府中學堂升入江西省優級師範學堂，後考入國立北京大學商科，民國八年畢業。沈着好學，志慮周深，「五四」運動，指麾處畫，悉中機宜，羣推為領袖。

九年，以公費留學美國，在哥倫比亞、哈佛二大學，研究歷史、政治、經濟之學。繼遊英國牛津大學、法國巴黎大學、德國柏林大學，崑崙博涉，罔計學位。十三年回國，應國立武昌師範大學石瑛校長聘，為史學教授，兼附屬中學主任。後轉應國立中山大學戴傳賢校長聘，為歷史系教授兼主任。循循善誘，學生翕服。國民革命軍北伐時，任中國國民黨江西省黨務特派員。十六年，任中央清黨委員會委員兼主任秘書，清除「腐化、惡化」分子，不遺餘力。旋與陳果夫等創辦中央黨務學校，致力黨務教育。同時任南京特別市黨部委員兼組織部長。十八年後，連任第三、四、五、六屆中央執行委員，並任第六屆常務

委員。

二十一年，朱家驊為教育部部長，錫朋任政務次長，一度代理部務，並代理國立中央大學校長。二十三年，王世杰接長教部，仍蟬聯政務。前後六年，對於義務教育之推廣，師範教育之加強，職業教育、社會教育之改進，公私立大學科學儀器設備之充實，各級教育辦法規章之釐訂，各級教育之視察督導；設計籌維，夙夜匪懈，仁為己任，獻替彌多！

國府遷渝，任中央訓練團教育委員會主任委員，中央訓練委員會副主任委員、主任委員，策畫訓練教育，縝密浹洽，績效聳著。各機關每年考績，訓練委員會輒褒然舉首。曾辛勤製備全國人事資料卡片，論者謂此為啓示國內人事制度之一種模型。

勝利還都，總裁派錫朋為中央政治學校（後改政治大學）教育長，整理校務，不辭勞動。因夙病復發，就醫上海虹口市立第二醫院，三十七年十二月二十六日溢逝，年五十有三。賢者云亡，邦國殄瘁！前教育部長陳立夫聞噩，歎曰：「吾黨堅苦卓絕之士，已無第二人可與比擬矣！」國史館長羅家倫在臺為文悼念，題曰：「書貽天下才，我為蒼生哭」，蓋非虛譽也。平生奮發砥礪，廉介自持，剛正不阿，嚴謹治事。以倫常道德，書立家訓，夫人亦賢，故其子廣南、建南，女永蘭、陵蘭、白蘭，皆卓然有所成就云。

(本陳泮藻、賀其榮：段書貽先生教育、黨務事蹟。)

熊育錫傳略

熊育錫，字純如，江西南昌人。曾祖中璧，隱居教授，立心遠堂，舅子孫學。祖論和，兄弟以茶鹽起家，孝友著鄉里。父光祖，丁洪楊亂，避兵自淑。育錫少謹飭，寡言語。及壯，為諸生。從萍鄉賀華生遊，博覽經史及宋元明儒書。以國勢積弱，屏棄制藝，而壹心力研習船山遺書及嚴侯官所譯諸書。兼及湘鄉曾氏、湘陰郭氏與夫譚瀏陽、康南海、梁新會諸家之說，抱革新之思。清光緒二十七年辛丑，遂與高安鄒叔忱、新建夏敬觀、及從弟元鏜，創設樂羣學堂於省會南昌，假熊氏試館為校舍。惟時僅一載，同人星散，育錫乃與元鏜商諸昆從，取心遠堂款為基金，以權利母而給校用，故更校名曰心遠，示紀念其祖也。元鏜執費，侯官門下，為所器，癸卯鄉試魁多士，年未三十，以肝疾逝，育錫恫焉！

在校為諸生講習藝文，評論治要，厲學子毋以流俗自畫，求實學，以紓國難。及門者，猷聞其說，未嘗不悚然而奮。義寧陳散原以中國之福澤諭吉相期許，為請於提學使林開馨，歲助心遠四百金。育錫又常引程子之言：「有關雎麟趾之風，而後可以行周禮」。中國必須先普及小學，而後可以言人民自治，改專制而為立憲。至是又與從弟在故里月池，為族姓設小學二所。風聲既樹，鄰姓爭移祠款與學，成小學十餘所，則為之延師，定學規，十年之間，成績斐然。

宣統二年，學部開全國教育會議於北京，育錫以江西省教育會副會長與會，始見侯官，稱弟

子，自是講學論事，書函往還無虛日。辛亥革命，育錫以贊翊功，出任江西文事局長。文事局長，司全省教政，為議選俊才留學歐美。會侯官長北京大學，招往，遂北行。符鼎升繼局任，卒成其議。時心遠堂基金，已折開殆盡，校用支絀，育錫慨然以月俸益之。猶不給，員薪亦稍減少；然以其公誠，任教者雖茹苦而不忍離去。爾後，漸得門弟子助，學校賴以不墮，且有餘力另建校舍於三道橋。民國三年，任江西省教育廳科長，建議設省立中學八，育錫自領第二中學，倩萍鄉柳藩國為總理校務；既復提倡女學，兼長女子公學。十一年，更創設心遠大學，親主持國文系，延李翊灼、汪國垣、余睿、王易、熊公哲為教授，皆博學淹通之士。策畫進行，則悉昇高弟李中襄。育錫諸職集於一身，竭智以赴，毫無惰容，尤為邦人所敬佩。

江西自李烈鈞起義討袁以還，為北洋軍人勢力地，時國內亦假擾無寧日。育錫肝衡世變，深知以教育力謀已亂，無異取寸膠而止黃河之濁，必然鮮效。會黃埔軍官學校建立，乃亟勸武健諸生赴粵投考，風力所屆，青年人以習軍事廁身革命為勞，一祛前此文弱之風。以故名將問出，頗類曾子之門之有吳起也。

革命軍北伐，克南昌，育錫奉檄為江西省政務委員，旋為江西省政府委員兼省黨部委員，且曾一度兼任建設廳長職，清廉剴實，躬親鉅細。二十一年入京，奉令為監察院監察委員，于院長雅禮敬之，多獻替。二十六年，倭寇陷京師，西行抵漢，以老請返籍。隨心遠中學播越於吉安、南

城、寧都間。三十一年十一月十九日，卒於寧都，年七十有三。國民政府眷念耆勳，明令褒揚。三十六年九月，歸葬故里。子八：正珍、正理、正珪、正璠、正璣、正璵、正珽。著有日記五餘卷，觀生堂文集若干卷，詩一卷，藏於家。育錫平生好宋元明諸儒性理之學，躬行克己復禮；服膺船山遺教，主乾剛中正之德；而師承

侯官，通經世之務，達古今之變。名教之中，自有樂境；故在艱彌厲，處困猶泰。心遠蜚聲海內，說者謂並時私立學校，經營慘澹，始終不渝，可相與伯仲稱者，天津張伯苓之南開，長沙胡元傑之明德，華縣楊鶴年之咸林，其庶幾云。（本熊正理：先君行略，歐陽祖經：南昌熊純如先生墓表。）

訂份中外雜誌贈送國內外親友是

最好的禮物

一次贈禮。月月受惠

全年十二期新台幣三二〇元。二年二十四期新台幣六四〇元
如代海外讀者長期訂閱，全年共新台幣肆佰貳拾元，兩年捌佰肆拾元，請將書款存入郵政劃撥儲金一四〇四四號中外雜誌社帳戶

海外讀者直接訂閱 全年十二期美金拾壹元，兩年貳拾元，請寄美金支票或匯票至臺北市新生南路三段七號之二

王道等著 中外珍聞 第二冊 隆重出版 定價陸拾元

「中外珍聞」內容包羅萬象，文字精采百出，每篇各成單元，全書富有歷史價值，百讀不厭，第二冊要目：
王道：九九日軍投降記。
蔣君章：抗戰勝利與台灣光復。郭岐：南京大屠殺。趙宗鼎：憶戰時陪都重慶。褚問鵬：羅卓英揚威域外。費雲文：戴雨農與鄭介民。喬家才：張敬堯故都伏法等傑作十餘萬言。
郵撥一四〇四四號中外雜誌社